

Herremättli Clique

's Pantoffel-Helde- (P)RISKOCH

's Gaswärg hett e Fimmel
Lert e jede Limmel
Bäbbli braue, Miesli mache
D'Männer koche, 's isch zum Lache
D'Polizischte, d'Jurnalischte
Sogar d'Schelme in dr Kische
Wärde gschliffe, gschlucht
So wird 's Gas verbrucht...

Prominänti stehn am Ofe
Koche Gutzi, so wie d'Gofe
Dä macht Suppe, dä Salat
Dä baggt Zwätschge, dä Spinat
Was si alles lere
Schürzli trage d'Herre
Glaubsch nach drizäh Stunde
Trage si no Junte

Sälli Kochkirs fir dr Ma
Hänn e guete Zuelauf kha
Hundert Basler Dame
Gänn e gwise Rahme
D'Frau seit bi däm Feschte
Sälle kocht am Beschte
Vom Müller siner Sose
Isch d'Helfti uff dr Hose
Dr Meier bim Verzelle
Butzt d'Nase mit dr Kelle
D'Plätzli vom Herr Schepfli
Sinn voll Nasetrepfli
Flüssig isch si Schnuppe
Tropft sogar in d'Suppe
's wird kocht e ganze Obe
D' Wyber dien eim lobe

Jäh 's stargi Gschlächt muess denne
Hitt all's Megligs kenne
E Huffe ohni z'bschisse
Mues dr Ma hit wisse
Jetzt lert är au no koche
Bald no fligge, bloche
Lang gots nimme, hösch
Macht dr Alt no d'Wösch
Wäscht am Brätt mit Gruse
's Wiss und 's Farbig use
Zwische ine, tröscht di
Kehrt är d'obe d'Röscht
Unde duet er schwängge
Dusse d'Reizwösch hängge
Fliegt denn zwische dure
Mit dr Wösch uff d'Schnure

Doch gwunne hett e Jurnalischt —
Schnäll an d'Fasnacht mit däm Misch.

Und wie alli Johr: Am Fasnachts-Zyschtig
gosch an d'Latärneusstellig in d'Baslerhalle
vo dr Muschtermäss
